



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PPP)
SETIAUSAHA AKHBAR**

1 JANUARI 2023 (AHAD)



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR DAN MEDIA ONLINE (KPDN)

1 JANUARI 2023 (AHAD)



Salahuddin bersama Thiam Wah ketika bertemu untuk berbincang mengenai inisiatif Bakul Rahmah yang akan dilaksanakan kementeriannya. (Foto ihsan FB Salahuddin Ayub)

Bakul Rahmah bantu ringankan beban B40

Kerjasama dengan pemain industri peruncitan jayakan program

Oleh Mohd Nasaruddin Parzi
bhnews@bh.com.my

Kuala Lumpur: Menteri Perdagangan Dalam Negeri Dan Kos Sara Hidup, Datuk Seri Salahuddin Ayub mengadakan pertemuan dengan pemain industri peruncitan bagi menjayakan inisiatif baharu untuk membantu rakyat memerlukan.

Inisiatif Bakul Rahmah khusus untuk membantu masyarakat yang paling memerlukan iaitu golongan B40.

"Hari ini (kelmarin) saya mengadakan perbincangan hati ke hati bersama CEO (Ketua Pegawai Eksekutif) 99 Speedmart, Lee Thiam Wah dengan tujuan menjayakan satu lagi program baha-

ru KPDN iaitu Bakul Rahmah (Kasih Sayang), khas untuk mereka yang paling memerlukan dalam kalangan B40.

"Saya akan susuli pertemuan dengan beberapa lagi pemain industri seperti Giant, NSK, dan lain-lain selepas ini," katanya dalam catatan di Facebook.

Katanya, kerajaan sudah menetapkan beberapa pelan jangka masa pendek, sederhana, dan panjang dalam mengendalikan isu kos sara hidup.

Perinci langkah segera

"Semoga segala usaha dan kerjasama ini sedikit sebanyak dapat membantu rakyat meneruskan kehidupan seharian dalam keadaan ekonomi dunia yang agak mencabar ketika ini.

"Tetapi pada saya, mana yang kita boleh lakukan dahulu, kita jalan dahulu," katanya.

Sebelum ini, Salahuddin berkata, kementeriannya serta Kementerian Ekonomi sedang memperinci beberapa langkah penyelesaian pantas dalam menangani isu kos sara hidup ter-

masuk pelan tindakan kerjasama rentas kementerian.

Kedua-dua kementerian bersejutu mewujudkan sekretariat bersama yang akan menjadi platform pada peringkat pegawai untuk membincangkan peranan pelbagai agensi dalam menangani kos sara hidup.

Beberapa tindakan sudah dilaksanakan kerajaan sebelum ini dalam mengawal kenaikan mendadak harga barangan tertentu antaranya mengimport telur dari luar serta Padiberas Nasional Berhad (BERNAS) pula akan menyalurkan peruntukan RM60 juta kepada pesawah, masing-masing RM10 juta bagi 2022 dan RM50 juta pada 2023.

Selain itu, kerajaan sedang memperinci pelaksanaan Harga 2 Peringkat bagi minyak sawit mentah supaya harga minyak masak tulen kemasan botol di pasaran domestik dijual pada harga lebih rendah bagi mengurangkan tekanan terhadap permintaan dan penggunaan minyak masak bersubsidi polibeg sekilogram.

FAMA Pahang edar 201,000 telur

Kuantan: Lembaga Pemasaran Pertanian Persekutuan (FAMA) Pahang mengedarkan lebih 201,000 telur ayam gred A, B dan C bagi memenuhi permintaan pengguna di negeri ini.

Pengarah, Saiful Sadri, berkata pihaknya mula menerima bekalan dari Melaka pada 16 November lalu hingga kelmarin menerusi tiga penghantaran membabitkan kira-kira 90,000 biji bagi setiap penghantaran.

Beliau berkata, pihaknya mengagihkan bekalan telur itu kepada lebih 15 penjual terdiri daripada usahawan bimbingan FAMA seperti AgroBazar Rakyat, Pusat Khidmat Pemasaran FAMA (PKPF), peniaga pasar tani, pemborong, pekedai runcit dan FAMA daerah.

Katanya, telur yang dibekalkan FAMA sekurang-kurangnya dapat menampung bekalan sumber makanan berkenaan yang terjejas sebelum ini, disebabkan berlakunya kekurangan pengeluaran.

"Sambutan yang diterima amat menggalakkan, dalam masa beberapa jam sahaja telur habis diagihkan kepada usahawan termasuk pengguna.

"Telur dijual mengikut harga kawalan daripada Kementerian Perdagangan Dalam Negeri dan Kos Sara Hidup (KPDN), usahawan berpuas hati apabila mendapat bekalan telur pada harga

kawalan," katanya, di sini semalam.

Beliau menambah, selain telur gred A, B dan C pihaknya turut membekalkan telur omega yang turut mendapat sambutan menggalakkan daripada pengguna walaupun harganya lebih mahal berbanding telur biasa.

Saiful berkata, pengunjung Pasar Tani Kekal di Jerantut dan Pekan termasuk Pasar Tani Berserah serta Pasar Tani Pusat Transformasi Bandar (UTC) di sini, berpeluang membeli telur yang dijual oleh usahawan FAMA yang dilantik.

Edar baucar RM10


Beliau berkata, pengguna yang ingin mendapatkan telur daripada FAMA boleh membeli secara dalam talian, baucar RM10 diberikan kepada mereka yang membeli RM30 ke atas bagi 1,000 pembelian pertama.

"Kita akan terus mengedar telur ayam selagi ada permintaan daripada pengguna, proses membawa masuk telur ayam akan dilakukan tahun depan. Jumlahnya bergantung pada permintaan daripada usahawan.

"Kita akan bekerjasama dengan usahawan bagi mendapatkan maklumat berkaitan permintaan daripada pengguna sebelum sebarang keputusan dibuat," katanya.



Saiful (kiri) menunjukkan telur yang diedarkan FAMA kepada peniaga yang dilantik di seluruh Pahang, semalam. (Foto Mohd Rafi Mamat/BH)



5 Domestic Trade and Cost of Living enforcement officer Nik Mohamad Adhar Nik Ismadi being propped up by his uncle, Abdul Aziz Ya'acob, to stop him from collapsing when he started to feel faint while on parade at Maktab Penjara Malaysia in Kajang, Selangor, on July 21. PIC BY AZHAR RAMLI